



Concello de Xermade

ANUNCIO

Asunto: aprobación das bases e a convocatoria do “II Concurso de decoración de Nadal”

A Xunta de Goberno Local do Concello de Xermade, na sesión ordinaria celebrada o 24/11/2021 aprobou as bases e a convocatoria do II Concurso de decoración de Nadal, que se transcriben íntegramente:

“BASES DO II CONCURSO DE DECORACIÓN DE NADAL

O Concello de Xermade convida a toda a veciñanza a participar nun concurso de decoración de Nadal, co fin de dinamizar a participación activa da cidadanía, fomentando a súa creatividade, e incentivando a ilusión das máis pequenas e pequenos.

Aquelas persoas que queiran participar deben seguir as presentes bases do concurso:

Primeira.- Categorías e participantes:

As categorías do concurso serán:

Vivendas:

- *Árbore de Nadal*
- *Nacemento/Belén*
- *Decoración xeral interior*
- *Decoración exterior*

Negocios:

- 1) *Decoración xeral*

Na participación por vivenda, a inscrición debe facerse a nome dunha persoa empadroada en dita vivenda do concello.

Unha mesma vivenda pode escoller participar nas categorías A), B), C), e/ou D). (Máximo as catro categorías, mínimo de unha)

Na participación por negocio, a inscrición será a nome da persoa titular do mesmo. A súa participación será exclusivamente na categoría 1).

Segunda. Temática

O tema do concurso será a festividade do Nadal, os motivos tradicionais da mesma, tendo as persoas participantes plena liberdade no referente a técnicas e estilos.

Terceira.- Criterios de valoración

Dentro dos criterios xenéricos terase en conta a creatividade, orixinalidade e vistosidade. Tamén se valorará o uso de materiais naturais e reciclados, así como a introdución na decoración de elementos representativos do concello de Xermade.

O xurado pode considerar deserta unha categoría se valora que as propostas non reunen calidade suficiente para ser merecedoras do premio.

Cuarta.- Inscrición

A data de inscrición estará aberta desde a publicación destas bases ata o 21 de decembro ás 14.30.





Concello de Xermade

Para facela efectiva, será necesario enviar por email (educadora.familiar@xermade.org) ou whatsapp (678 744 178):

- 1) Categorias A), B), C) e D): nome, número de DNI e dirección postal da persoa representante (empadroadada no concello) con 3 fotografías* por cada categoría á que se presenten.
- 2) Categoría 1): o nome do negocio, nome da persoa propietaria do mesmo, número de DNI, dirección postal do negocio e 3 fotografías* da decoración de Nadal que consideren.

(* As fotografías enviadas poderán ser expostas na web e redes sociais do Concello de Xermade.)

Quinta.- Xurado

O xurado estará formado polas seguintes persoas:

Presidente: Don Roberto García Pernas, alcalde presidente do Concello de Xermade.

Vogais:

1º Dona Tamara Rodríguez López, deseñadora e xerente de Mobelrías (Vilalba).

2º Dona María Cristina Varela García, Secretaria do Concello de Xermade.

3º Don Ernesto Ares Yáñez, técnico de emprego do Concello de Xermade.

Secretaría: Dona Lucía Guizán Trastoy, educadora familiar do Concello de Xermade.

O fallo do xurado e a entrega de premios levarase a cabo na última semana de decembro.

Sexta.- Premios

O premio por cada categoría será unha cesta valorada en 130 €, conformada por produtos de alimentación e un vale para carburante.

En caso de quedar deserta algunha das categorías, poderase trasladar un segundo premio a calquera das demais.

Da reunión do xurado realizarase unha acta na que se incluírán o número de traballos presentados, así como as persoas premiadas por cada unha das cinco categorías (catro de vivendas e unha de negocios).

Existe crédito axeitado e suficiente na aplicación orzamentaria 338 226 do vixente orzamento de gastos, por importe de 650,00 euros.

Sétima.- Datos de carácter persoal

Os datos persoais obtidos neste procedemento serán tratados na súa condición de responsable polo Concello de Xermade, coa finalidade de levar a cabo a tramitación administrativa que derive da xestión deste procedemento.

Oitava.- Aceptación





Concello de Xermade

A participación no concurso supón a aceptación destas bases, sobre as que, diante de calquera dúbida, prevalecerá a resolución que adopte o xurado, por maioría simple dos seus membros.

O incumprimento das bases suporá a descualificación no concurso. En contra das decisións do xurado non caberá ningún tipo de recurso.”

En Xermade, na data da sinatura dixital.

O alcalde

Roberto García Pernas



Cod. Validación: 9E2TEPREY94XE7X3KTWZNEEDMM | Corrección: <https://concelloxermade.sedelectronica.es/>
Documento asinado electronicamente desde a plataforma xestiona esPublico | Páxina 3 a 3